

Le Consèi de Formaziun, cun la sènta tl Istitut Ladin, fej le sorvisc de formaziun por le comun y por les uniuns dl comun, cun poscibilitè da conzede contribuc ales uniuns che damana, aladò de criteris prestabilis.

Dòtes les uniuns é porchèl bel periades da gnì cun la rapresentanza de òna o deplù porsones ala sentada generala en lõnesc, ai 23 de jená, dales 20.00, tl Istitut Ladin a San Martin cun chèsc program:

Presentaziun dles ativités, líta dl diretif nù, propostes por l'ann 2023, desvalies. Ala fin él val' da bère y da bocolé. Ince d'atri interessá é bel invíá ala sentada.

"La jënt ladina porti te mi cör" dij la monia Ancilla Hohenegger che é stada 25 agn badessa de Jeunn y se confortá vigni 3 agn do la prozesciun di èi dla Val Badia. Ara vègn ai 26 de jená, dales 19.30, sò Oies te dlijia, a nes baié sura le perié. Düc é bel invíá da tó pert - na buna preparaziun ala festa de nosc Sant!

Dòtes y düc sèise bel invides/á ala presentaziun dl liber de cianties y oraziuns nù "Laldun le Signur" cun nosc vèsco Ivo Muser en sabeda ai 28 de jená 2023, dales 14.30, tla Dlijia de Badia.

Le liber nù é metü adöm da 1000 plates sön la basa dl "Gotteslob" nù gnü fora tl 2013. Al tol ite 400 cianties, en gran pert ladines, dlungia les talianes y todèsces, spo les oraziuns fondamentales dla dlijia catolica, i salms, les litanies, y ince na bela pert de devoziuns y oraziuns por les funziuns te dlijia y te familia. Da ciáfé él ince na pert todèscia y taliana cun oraziuns fondamentales. Lapró él 12 retrac a corusc fora dles dlijies dles ploanies, ilustraziuns astrates, y dic y pinsiers te trèi lingac. Le liber ciafarán da cumpré do la presentaziun a Badia, al prisc de 20 Euro. Al gnará presenté plù avisa ince te vigni ploania y venü te vigni paisc y ince da ciasa a ciasa.

En domènia, ai 29 de jená, festejunse le De de sant Ojöp Freinademetz. I misionars verbic invieia a recordé nosc sant sò Oies cun chèsc program: sabeda (28/01), dales 20.00: Vèia dla festa: testimonianzes, musiga, oraziun; domènia (29/01), dales 16.00: Mèssa solèna cun nosc vèsco Ivo Muser.

#### SAN MARTIN

En sabeda, ai 28 de jená, dales 19.30, vèia dla festa de Sant Ojöp da Oies, unse l'onur da podèi tó pert ala mèssa prefestiá zebrada dal vèsco Ivo Muser.

#### LUNGIARÜ

En recordanza dl defunt Sepl Clara él ciamó gnü ite na oferta da pert dla familia Clara, Somvì por la dlijia - Bel dilan!

-----

Düc chi che vá cun l'auto é bel invíá en vèndres, ai 27/01, dales 20.00, tl salf dl Istitut Ladin a na sèra de discusciun "Sc'i vá cun l'auto, ne bëri nia" cun Nadia Mariucci - SERD Bornech; Max Dorfer - psicologh dl trafic; Barbara Avesani - esperta de chestiuns iuridiches sanitaes; Josef Egger - pere de na vitima sön strada.

Cooperativa Turistica Al Plan/S.Martin: Al vègn indò tigní la sfilada da Carlascé a Al Plan. Düc, pici y gragn, uniuns, classes y i.i. é bel invíá da gnì a tó pert! I s'incuntun ai 21 de forá, dales 14.00, tla plaza dan l'ofize turistich d'Al Plan. Les iscriziuns vègn tutes sò le medemo de dales 12.00 inant tl ofize turistich.



unitepastorala.org

## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

**22.01 - 29.01.23 n. 09**

*ultimo termo por comunicaziuns: jöbia, dales 20.00*

### 3ª DOMÈNIA IA POR L'ANN "A"

#### Vangele do Matí 4,12-23

Gejù â metü man da incundé: Convertisse! Le règn dl cil é daimprò. Tratan che Gejù passâ dlungia le lêch de Galilea, àl odü dui fredesc, Scimun, nominé Pire, y so fre Andrè, ai ê dër tl sciurè fora la rëi te lêch, cíodich' ai ê pesciadus. Y al ti à dit: Gnide do a mé! I fajarà fora de os pesciadus de jënt. Atira ài lascè dailò sües rëis y ti é jüs do. Da jì inant àl odü dui d'atri fredesc, Iaco, le fi de Zebedèus, y so fre Jan; ai ê cun so pere Zebedèus te barca y arjignâ ca sües rëis. Al i à cherdè, y atira ài lascè la barca y so pere y ti é jüs do a Gejù. Gejù rodâ por dōta la Galilea, insignâ tles sinagoghes, incündâ le vagnele dl règn y varî tl popul dòtes les maraties y les soferènzes.



*"Deache le règn dl cil é daimprò." Ciaran indò al ann passé, stènti da le creïe. Le règn dl cil tles ciases desdrütes dl'Ucraina, tles staziuns de terapia intensiva, ti raiuns martorjá dala puerté y dala fan?*

*Le gröm de jënt che patësc á dōta la rajun da damané insciö. Pordërt n'é le monn mai sté y ne sará mai zënza soferènzes.*


*Mo sce Gejù dij impó, che le règn dl cil é daimprò, spo ói porvé da ti creïe.*

*Le vangele de chësta domènia ne se rōia nia cun le règn dl cil, al vá inant cun la cherdada di pröms discepuì: al é dōes cosses che alda adöm.*

*Insciö sunsi ince iö cherdé da me dé da fá por le règn de Dì.*

*Tla situaziun te chëra ch'i viri ài tröpes ocajiuns, propi por chë jënt, che n'é nia buna da creïe al règn dl cil:*

*daidé la jënt tichinada dala vera, jí a ciáfé amará, partí cun chi che n'á nia. (image)*

EDEMA	SAN MARTIN	LUNGIARÜ	
22.01.23 <i>(Novëna a S.Ojöp Fr.)</i> <b>3ª DOMËNIA ia por l'nn A</b> <b>Domënia dla Parora de Dî</b> <i>(Novëna a S. Ojöp Fr.)</i>	<b>9.00 Corona</b> <i>(la mëssa sará por todësch)</i> <b>9.30 Gran Mëssa por la comunité</b> + Pasquale Schuen dl ann + Sepl Flöss, d'Arzó + + + Albert, Emma, Artur Conrater	<b>7.50 Corona</b> <b>8.15 Gran Mëssa por la Comunité</b> cun y por i neocomunicanc	 <p>DOMËNIA DLA PARORA DE DÎ</p> <p>Oh Bel Dî, che t'i baies ados ala jënt tl lingaz de süa bocia y de sü pinsiers, insciö este amesa nos ite presënt sc'i t'aldiun y t' periun confidënc y sinziers.</p> <p>Tüa parora, Signur, mët döt cant te tüa löm, mo taiënt y gaiert é so tai y aslöm; ara röia tres ite te döt y vignun aladô che de döt messarunse dé cunt.</p> <p>Tüa parora vá ite tl os y tl miol iudican sentimënc y pinsiers cin'a funz; ara é le cortel dl chirurgh te n spitol: ara taia y cern por gaujé varijun.</p> <p>Tüa parora, Signur, che é vita y löm, che dá forza, consëi y ligrëza n gröm, no lascé ch'ara tomes sofian sön lastun, mo olach'ara portes y fejes faziun.</p> <p>Tüa parora, Signur, ói aldí y tlamé, por ciafé dla salvëza l'amur y l' pordonn, tla conferta cun te podëi creï y speré tla noéla dl rëgn ch'ara müdes chësc monn.</p>
23.01.23 <i>Heinrich Seuse, Eugen Lönesc</i> <i>(Novëna a S.Ojöp Fr.)</i>			
24.01.23 <b>Dedolönesc</b> <i>(Novëna a S. Ojöp)</i> <i>Francësch da Sales, Vera, Arno</i>	<b>8.00 Mëssa di scolar</b> + + siur A. Morlang y siur M. Graffonara + Pepi Deiacó, Larjëi		
25.01.23 <i>(Novëna a S. Ojöp Fr.)</i> <b>Dedemesaledema</b> <i>Converjiun de san Paul, Susanna</i>		<b>7.30 Mëssa</b> + Anna Pallestroing Sottrovitsch dl ann + Ivo Sorà	
26.01.23 <b>Jöbia</b> <i>(Novëna a S. Ojöp Fr.)</i> <i>Timoteus y Titus, Paula</i>	<b>7.30 Mëssa</b> en onur de San Bostian dl ann + Mariangel Tavella <b>Corona por vocaziuns</b>		
27.01.23 <b>Vëndres</b> <i>(Novëna a S. Ojöp Fr.)</i> <i>Angela M., Iulian, Manfred, Rosalia</i>	<b>18.30 Adoraziun chîta</b> <b>19.00 Adoraziun deboriada</b>	<b>7.30 Mëssa</b> + + + Vijo, Maria y Heinrich Dapoz dl ann + Veronica Costa	
28.01.23 <b>Sabeda</b> <i>(Novëna a S. Ojöp Fr.)</i> <i>Tomes d'Acuin, Carolina, Karin</i>	<b>19.30 Mëssa prefestia</b> <b>cun nosc Vëscó Ivo Muser</b> + + dla fam. de Paul Sorà, Pespach + + Pire y Ida Erlacher, Cheder + + Siegfried y Maria Zingerle, Col	<b>18.00 Mëssa prefestia</b> dl ann + Pire Clara, Mair + + Ida y Fonjo Pezzei dl ann + Marino Clara, Ties + + Maria y Severino Zingerle	
29.01.23 <b>4ª DOMËNIA ia por l'nn A</b> <b>Festa de Sant Ojöp da Oies</b>	<b>9.00 Corona</b> <b>9.30 Introduziun dl liber nü</b> <b>Mëssa solëna en onú de S. Ojöp Fr.</b> dl ann + Pire Unterweger	<b>7.50 Corona</b> <b>8.15 Gran Mëssa por la Comunité</b>	